

Kingusinnerpaamik UKA2012-imi saqqummiunneqartussamik Aalisarnermik piniarnermillu inuussutissasiutillit inuussutissarsiornerannik siuarsaaneq pillugu Inatsisartut peqqussutaat nr. 10, 20. november 2006-imeersumut allannguutissatut siunnersuummik Naalakkersuisut saqqummiussinissaannik Inatsisartut aalajangiiffigisassatut siunnersuut, taamaalilluni taamaallaat umiatsiaaqqanut nutaanut Kalaallit Nunaanni sanaartorneqartunut tapiisoqarsinnaalersillugu.

Siunnersuummut akissuteqaat

(Aalisarnermut, Piniarnermut Nunalerinermullu Naalakkersuisoq)

Siullermeerneqarnera

Inatsisartunut ilaasortap Karl Lyberth-ip siunnersuutigaa kingusinnerpaamik UKA2012-imi saqqummiunneqartussamik Aalisarnermik piniarnermillu inuussutissariutillit inuussutissarsiornerannik siuarsaaneq pillugu Inatsisartut peqqussutaat nr. 10, 20. november 2006-imeersumut allannguutissatut siunnersuummik Naalakkersuisut saqqummiussinissaannik Inatsisartut aalajangiiffigisassatut siunnersuut, taamaalilluni taamaallaat umiatsiaaqqanut nutaanut Kalaallit Nunaanni sanaartorneqartunut tapiisoqarsinnaalersillugu.

Siunnersuut Unammilleqatigiinnermut ataatsimiititaliamut oqaaseqarfigisassanngorlugu nas-siunneqarsimavoq.

Unammilleqatigiinnermut ataatsimiititaliap oqaaseqaammini oqaatigaa, siunnersuut akuerineqassagaluarpat siunnersuut Unammillerneq pillugu Inatsisartut inatsisaanni § 12, imm. 2-mut akerliussasoq, tapiisutit kingunerissamassuk inuussutissarsiutigalugu umiatsiaaqqanik tuniniaanermi unammilleqatigiinneq equitineqassasoq umiatsiaaqqanut kalaallit nunaanni sanaartorneqartunut iluaqutaalluni. Aammattaaq kingunerisa ilagissavaat inuussutissarsiutigalugu umiatsiaaqqanik nioqqutissanik eqqussuisut unammilleqatigiinnikkut naleqqutinn-gitsumik atugassaqartinneqalernissaat, tassami taakku tuniniakkatik tuniniassammatigit tunisassiat pisortanit taperneqartut unammilleqatigalugit.

Siunnersuutip akuerineqassagaluaruni kingunerisassavaa inuussutissarsiutigalugu umiatsiaaqqat kalaallit nunaanni sanaartukkat salliutinneqalissasut, taamatullu salliutitsinerup inuussutissarsiutigalugu umiatsiaaqqanik tuniniaaneq ima equititsigissagaa, tuniniaanermi unammillertoqarunnaartillugu, tamannalu kalaallit atuisartut ajoqutigissavaat.

Tamatuma saniatigit atuisartuq inuussutissarsiutigalugu umiatsiaararsiniartuq umiatsiaaqqamik toqqaaniarnermini killilersorneqalissaaq, tasaami marluinnarluinnarnik qinigassaqaletussaagami, akerlianik ullumikkut pisariqartitani malillugit umiatsiaaqqamik qinersisinnaalluni.

Naggataarutaasumik Naalakkersuisut angorusunngilaat, tunisassiorlutunut marlunnut aningaasaliissutit atorneqarnissaanut aalajangiisoqarneratigit, tunisassiorlut taakkorpiaat pisortanit aningaasalersorneqarnermikkut tuniniaanermi akiminnik qaffasitsitsinerulernissaat atuisunut ajoqutaasumik.

Qulaani oqaaserineqartut tunngavigalugu Naalakkersuisut inassutigissavaat aalajangiussassatut siunnersuut ilalernerqassanngitsoq taamaammallu innersuussutigalugu aalajangiussassatut siunnersuut itigartinneqassasoq.